

胡文忠公遺集卷

胡文忠公遺集卷五十一

長沙鄭敦謹

編輯

湘鄉曾國荃

十四次續請

旌卹節年陣亡殉難官紳士

庶疏

十年閏三月二十九日

竊查咸豐三年二月二十日奉

上諭向榮奏查

明安徽省城殉難官員開單請卹等語在籍從九品

王澤夏雲階或被戕隕命或全家殉難同罹慘烈深

堪憫惻均著照現在官階加等議卹並著於該地方

建立專祠以慰忠魂又十月二十三日奉

上諭

太僕寺卿王茂蔭奏請旌表殉難士民一摺軍興以來被賊滋擾地方士庶人等或因罵賊致戕或因禦侮遭害甚至全家罹難闔室自焚雖貴賤之不同實節義之無愧特恐僻處鄉隅不獲上邀旌卹以致湮沒弗彰朕心惻焉著各該督撫通飭所屬迅速查明遇賊死節士民婦女等除照例應請旌表外其殉難尤烈者並準其奏明請旨分別賜卹等因欽此又咸豐九年六月初六日接準兵部咨核酌請行令各督撫嗣後查出殉難尤烈民人實係打仗殺賊陣亡者雖非隨同官兵究屬同仇敵愾勇烈尤著自應準其

奏請議卹其餘罵賊被戕不屈自盡並非打仗陣亡者令該督撫另繕一單請旌不得混同請卹以示區別等因咸豐九年四月初四日奏本日奉 旨依議欽此又咸豐九年七月初一日奉 上諭御史

賀壽慈奏請飭查湖北殉難紳民彙案請卹等語湖北武昌漢陽等各州縣前被賊匪竄擾該紳民等或辦團練殺賊捐軀或以不屈遇害情殊可憫節經該督撫查明奏請給予卹典並咨部請卹者已不下數千人茲據該御史奏稱漏未舉報者尙不乏人恐其日久湮沒不足以昭激勸著官文胡林翼通飭各州

縣遴派公正紳耆詳細訪查予限半年呈報由該督撫覆核彙奏請卹以彰忠義欽此欽遵各在案臣查楚北節年陣亡殉難官紳士庶婦女人等前飭藩司督同武昌府設立節義局行令各屬查報經臣等先後十三次奏請恩卹在案茲據節義局查報

各屬陣亡殉難文武員弁紳民婦女共九百三十四名口由藩司莊受祺詳請核奏前來臣查署河南

南陽鎮標陳州營都司撫標右營守備嵩山等共一百九十二名或撓鋒刃而力竭捐軀或率闔門而見危授命實屬大義昭著節烈堪嘉且核與歷奉

諭旨準其奏明請

旨分別賜卹之例相符相應

繕具事實清單仰懇

聖恩飭部從優議卹並分

別

旌表其餘例應議卹之陣亡傷故兵勇紳民

吳琦等共六百五十一名因公遇害之王之新等共

九名例應

旌表之遇賊死節紳民婦女程蘭等

共八十二名口舍生取義先後同情除飭藩司造冊

送部外並懇

飭部照例分別議卹議旌以慰忠

魂而勵

臣

節此外尚有未經查辦各起容俟續催趕

緊查報另行

奏懇

恩施理合會同湖廣總督

臣官文恭摺具

奏

署河南南陽鎮標陳州營都司撫標左營守備嵩
山係蒙古正黃旗清平佐領下人

河南南陽鎮標陳州營經制外委王鈺係河南光
州人

河南南陽鎮標新野營把總高式金係河南祥符
縣人

河南南陽鎮標右營把總張占鼇

河南南陽鎮標右營經制外委屠貫申

河南南陽鎮標右營額外外委李玉堂

以上六名均於咸豐二年十一月初九日在湖

北蒲圻縣城內地方打仗力竭被戕
河南南陽鎮標陳州營把總尹念三係河南舞陽縣人

河南南陽鎮標陳州營經制外委朱智係河南南陽縣人

以上二名均於咸豐二年十二月初四日在湖北武昌省城內打仗被戕

河南南陽鎮標荆子關協左營千總申占魁

河南南陽鎮標荆子關千總薛天定

河南盧氏營守備成貴

河南盧氏營額外外委雷登科

以上四名俱於咸豐二年十二月初四日在湖

北武昌省城漢陽門地方打仗陣亡

河南南陽鎮標新鄭汛把總劉琚

河南神厓鎮標額外外委王長清

河南新野營額外外委徐修已

以上三名均於咸豐二年十二月初四日在湖

北武昌省城打仗陣亡

署湖北撫標左營頭司把總右營經制外委程廷

珍係江夏縣人咸豐二年十二月初四日在武昌

省城北門礮臺打仗陣亡

安徽壽春鎮標右營小溪汛額外署王莊汛外委
儘先把總李煥章咸豐二年十一月十一日在湖
北蒲圻縣地方打仗陣亡

前任湖北黃州協副將張金甲係山東濮州人咸
豐四年正月十五日在黃州府屬堵城地方打仗
身先士卒臨陣捐軀臣查該員張金甲前因黃州

府城失守照例擬罪咸豐四年賊陷省城奉準部
文咨查該革員實在下落嗣據湖廣督標副將成
福查明張金甲於咸豐三年十二月內經前督臣

吳文鎔因一時委用乏人暫令管帶湖北提標官兵隨赴黃州府屬堵城地方堵剿咸豐四年正月十五日出隊該故員身先士卒殺賊數十名賊襲其後力竭陣亡當經隨同打仗之提標弁兵等親見該故員鱗傷遍體又據該員之子張鴻儀識認無訛委係殺賊被害隨將日擊情形各稟報在案理合據實聲請 飭部更正核辦 賜卹以慰忠魂

漢陽縣監生吳國俊寄居武昌省城奉委帶勇堵禦咸豐二年十二月初四日城陷被戕其子文童

吳士璋媳周氏李氏孫女桃姑均於是日在寄居地方投水殞命

江夏縣文童高兆基奉委帶勇咸豐二年十二月初四日城陷在平湖門地方遇害

湖南益陽縣武生李雲漢

外獎六品軍功丁學蘭湖南益陽縣人

以上二名均於咸豐五年四月初九日在湖北省城外八步街地方打仗陣亡

外獎六品軍功文童陶容山湖南安化縣人咸豐五年九月二十二日在湖北車埠地方打仗陣亡

外獎六品軍功王景慶黃岡縣人咸豐五年七月初十日在縣屬花園埠地方打仗陣亡臣查武生
李雲漢六品軍功丁學蘭六品軍功文童陶容山
六品軍功文童王景慶等或隨營屢立戰功或捐
資練勇奮義勦賊嗣以眾寡不敵力竭陣亡實堪
憫惻均應請
飭部照外委例從優議卹以慰
忠魂

浙江蕭山縣武生何書奉派帶勇於咸豐二年十
一月初九日在湖北蒲圻縣城打仗血戰捐軀
議敘從九品銜蔡敦典黃岡縣人投效省城奉委

帶勇咸豐二年十二月初四日在省城文昌門地方堵禦被戕

世襲雲騎尉楊永祥江夏縣人奉派帶勇咸豐二年十二月初四日在省城文昌門地方打仗陣亡

江夏縣生員王積賓奉派帶勇咸豐二年十二月初四日在省城北門地方抵殺被害其母明氏姪永福姪女五姑均於是日投水

外獎六品軍功文童劉天明江夏縣人咸豐二年十二月初四日在省城中和門城上打仗陣亡

江夏縣生員曹鏡江咸豐二年十二月初四日在

省城文昌門城上帶勇打仗力竭捐軀其父民人
曹貽模同時在城被戕

江夏縣文童李志漢奉委帶勇咸豐二年十二月
初四日城陷同母萬氏在省城西鋪地方投水

外獎軍功千總李允章江夏縣人咸豐四年六月
初二日在省城漢陽門城上帶勇打仗力竭陣亡
外獎六品軍功捐職從九品郭錦騏黃岡縣人督
帶練勇出境勦賊咸豐五年正月初十日在漢陽
縣屬漢口地方打仗陣亡

雲夢縣團首武生張繼勳耆民楊輝綱均於咸豐

五年二月內在本居地方團勇被戕

孝感縣團首陶周鑑同弟周定均於咸豐五年五月內在本居地方打仗被戕

安陸縣團首民人鄭瑩王璵均於咸豐五年八月內在本居地方團勇被戕

外獎六品軍功文童朱應瓊

外獎六品軍功勇丁張輝南

外獎六品軍功勇丁張得興

以上三名均係湖南長沙縣人俱於咸豐五年八月初二日在湖北江夏縣屬金口地方打仗

陣亡臣查朱應瓊張輝南張得興等在營隨同
官軍攻勦賊匪屢立戰功茲復奮勇擊賊臨陣
捐軀深堪憫惻應請

飭部從優照外委例

議卹以慰忠魂

河南商邱縣監生陳鱗隨前署湖北通山縣知縣
陳景雍任所督勇咸豐四年三月二十七日帶同
其子福增表姪文童吳超在縣屬藕塘地方打仗
同時陣亡

通山縣文童樂慶雲咸豐五年正月二十一日在
興國州屬板橋地方督勇堵勦力竭陣亡